

सुदृढियँ माय नानँ सोरँई
परमेसर रे वसन
हिकाडवा री किताब

इस्तर-2

सुट्टियँ माय नानँ सोरँई परमेसर रे वसन हिकाइवा री किताब: इस्तर-2
(Vacation Bible School in Wagri Language: Level-2)

सपाइवा रो वर - 2015
सापयी थकी किताब री गणती - 300

© राजस्थान इनिशिएटिव

अणहूँ त्यार:
राजस्थान इनिशिएटिव

टाईप सेटींग:
मुकेश मीणा, बिजु देवासिया

परकासण:
Rajasthan Initiative
राजस्थान इनिशिएटिव
फ्लेट न-1, प्लोट न-9, 10
आर. के. पुरम, गिरजा ब्यास पेट्रोल पम्प के पास,
तितरडी, उदयपुर, राजस्थान-313001
+91-9929734585, +91-9929428530
wagri@rajasthaninitiative.org

बे वात

परमेसर री दयाहूँ अमय वागड रा ईलाका माय मसी मण्डली हाती मळीन भणाई रा सेत्र माय परमेसर री मईमा हारू अलग-अलग प्रागँ माय सेवा करवा रो मोको मळयो हे। ये किताब विसवासी सोरँई ध्यान माय राकीन वणरे उमर रे ईसाबहूँ स्यार प्राग माय तेयार किदी हे। ये किताब अणा सवाल रो जवाब आलवा री कोसीस करे हे। के परमेसर ईसु मसी कूण हे। नी अणी किताब माय ज्ये काणी हीं वे सब बाइबल री काणी हीं। ये किताब आपडे मण्डली रँ सोरँई परमेसर रे वसन माय आगे बडवा हारू नी विसवास माय काटँ थावा हारू मदद करे हे। के नानँ सोरँई वणरे नानपण मायहूँस परमेसर रे परेम नी डर माय बढी सकीं अणा हारू अमारे एक कोसीस हे।

कलिसिया आधारित साक्षरता समूह
राजस्थान इनिशिएटिव

अनुक्रमणिका

खास विसे

ईसुजी कूण हे ?

इस्तर-1

पाट-1 ईसुजी तारण करवा वाळो हे।

पाट-2 ईसुजी सोरँई परेम करवा वाळो हे।

इस्तर-2

पाट-1 ईसुजी तारण करवा वाळो हे।

पाट-2 ईसुजी अन्तरयामी हे।

इस्तर-3

पाट-1 ईसुजी सबहूँ तागतवर हे।

पाट-2 ईसुजी मोत माते जितीग्यो हे।

इस्तर- 4

पाट-1 ईसुजी पाप माप करवा वाळो हे।

पाट-2 ईसुजी पासो आवणा वाळो हे।

पाठ-1

ईसुजी कूण हे?

ईसुजी तारण करवा वाळो हे।

काणी



लूका 1:26-38

ईसु रे जनम ईम थायूके यहुदा देस माय मरियम नाम री एक सोरी रेती ही। वणीरे हगाई युसूप नाम रा एक आदमी हाती वेयी ही। वणरे पण्वा पेले मरियम पेट मईना जणाणी। एक दाडो एक हरगदूत वणी कनी आवीन बदाई आलवे लागो। नी या



बदाई हामळीन मरियम समकवे लागी ते हरगदूत वणीहूँ केवा लागो के मरियम, समके हके। परमेसर रो आसिरवाद तो माते थायो हे। थारे पेट मईना थाहीं नी तू एक सोरो जणीहीं नी वी परम ईसवर बाप रो बेटो केवाहीं नी वी वणारे मनकई पापहूँ सोडावहीं। नी वणारे राज केरँजे नी मटहीं। ते मरियम केयूके मूँ परमेसर री दासी हूँ। वणारे जिम मरजी वे वीम मोहाती थाये। ये वात जेरँ युसूप जाणीग्यो के मरियम रे पेट मईना हीं, वी वणीय सानो सानो सोडवा रो वीसार करवा लागो। जेरँस वणाए एक हरगदूत दरसण देन केयु “तू मरियमी थारे घरी लावणाहूँ बीये हके। किमके ज्यो वणी रे पेट माय हे वोते परमेसर री तागतहूँ हे। “वे एक बेटो जणहीं नी तू वणारे नाम ईसु राकजे। ते युसूप वटे हो उटीन वणीयी वणारे घरी लेन आयो नी थोडक दाडँ केडा वणी एक बेटो जणीयो नी वण वणारु नाम ईसु राक्यु।

हिकवा हरकी वात



- ईसवर बाप हारू कई बी काम करवू काटु नी हे।
- परमेसर री वात मानवा वाळई वी वणारे काम माय लीये हे।

याद करवा हारु



“आज दाउद रे नगर माय तमँ हारु एक पापहूँ तारवा वाळो जनम्यो हे, नी वीस तारण आलवाळो परबू हे”।

लूका 2:11


परातना



करवा हारु काम

अणी काणी रो नाटक करो...

रंग प्ररो



पाठ-2

ईसुजी कूण हे?

ईसुजी अन्तरयामी हे।

काणी



लुका 2:41-52

ईसु मसी रे आई नी बापो हर साल यरुसलेम माय पासको तेवार मनावणे जात हँ। जेरँ ईसु मसी बारा साल रो थायो ते वी वणारे आई बाप हाती तेवार मनावणे यरुसलेम मायग्यो। नी वे दन पुरा करीन वटेहँ पासँ आवणे लागँ, ते ईसु वटेस रेईग्यो, वे ईम हमजीन विसार माय पड्या के ईसु तिजँ हातवाळँ



मनकँ हाते वेहे। वे जेरँ वणाए ठावणे लागँ पण वी वणई नी मळयों नी वे वणाए फेर ठावतँ- ठावतँ यरुसलेम पासग्यँ। नी वी वणई तीन दाड केडा मोटँ-मोटँ ग्यानी मनकँ नी मन्दर रा सादुअँ हाते वात करतँ नी वणई हमजाडतँ थको डिटो। नी वे सादु संत वणारे वातहँ ज्ये वणई खूब मोटी जणाती नी वणारे वात वणई गजब लागती ही। पसे ईसु रे आई बाप वणाए वटेहो लेईन घेर परग्यँ। नी ईसु ग्यान माय नी डील माय ईसवर बाप नी मनकँ री दया माय मोटो थातोग्यों।

हिकवा हरकी वात



- आपई ईसुजी हरकु हमजणु बणवु हे।
- आपई ईसुजी हरकु वातमानवा वाळु बणवु हे।

याद करवा हारु



“ईसु अकल नी डील माय ईसवर बाप अनी मनकँ री दया
माय मोटो थातोग्योँ।”
लूका 2:52

परातना



करवा हारु काम

अणी काणी रो नाटक करो...

रंग प्ररो



वागड़ी गीत

1

कतरा महान ईसु कतरा महान-2
मारे ईसु सबहूँ महान

1. डुँजाए वळग्युँ पाणी वळग्युँ

थोब थोब थोब (कतरा महान)

2. पाणी माते हींडे तेबी नी डूबीं

हा हा हा (कतरा महान)

2

नाने मोटे सोरे आवो सालो
वाला ईसु जी हूँ वात करँ
मळीन सालँ मळीन सालँ
वाला ईसु जी हूँ वात करँ

1. नाना वाला ईसु केरँ नी लडाणा

आपँजे कणाहूँ केरँ नी लडाहाँ

मळीन नी सालँ मळीन नी सालँ

2. लाड करीनी हादें हीं ईसु जी

डाकतँ नी गावतँ आपँ सालँ

मळीन नी सालँ मळीन नी सालँ

3

1. देको-2 नवो तारो उगो उगमणो

कई के हे सोरे ?

कई के हे ?

केहे के ईसु राजा जन्मीयो भागळ मा।

2. सालो-2 करी आवँ दरसण ईसु रे-2

खटे सालँ सोरे?

खटे सालँ ?

सालो जाईन भागळमां दरसण करी आवँ-2

4

ठावी लीदो-2

ईसु जी मोये ठावी लीदो-2

ला ला ला ला

1. भुतँ रे काममाय डूबीयो थको हो
भुतँ रे काम माय फसीयो थको हो-2
ला ला ला ला
2. दनिया रा पापँ माय खोवाणो थको हो
दनिया री वातँ माय डूबीयो थको हो-2
ला ला ला ला

5

ईसु राजा आया अमर जीवन लाया

मो हारु जीवया मो हारु मरीया -2

ताक धीना धीन धीनधीन ताक -4

1. आपँ सोरँ आवँ जोर हुँ गावँ
एवां ईसु जीवता हीं हालेलुयाह
ताक धीना
2. कणी वात री नी बी,कई सीन्ता नी परवा
हरगदेस जाईन नी ईसु जी मळहँ
ताक धीना - 4

बाइबल रा सवाल

1. बाइबल माय कतरी किताब हीं?
2. पुराना नियम माय कतरी किताब हीं?
3. नवा नियम माय कतरी किताब हीं?
4. पेला मनक रू कई नाम हूँ? जणाए परमेसर बणायूँ।
5. नूह कहाँ आदमी हो?
6. परमेसर कतराँ दाड़ा तक धरती माते वरका वरायी?
7. अबराम रे सोरा रू कई नाम हूँ?
8. याकुब रे कतराँ सोरा हा?
9. परमेसर बाप इसरायली मनकई कई खावा हारूँ आल्यू?
10. इसरायेल रो दुसरो राजो कूण हो?
11. ईसू जी रू जनम खटे थायु हूँ?
12. ईसू जी रे कतरा सेला हा?
13. ईसूजी रे आई रे कई नाम हूँ?
14. ईसूजी धरती माते कतराँ वर तक रेया?
15. ईसूजी कतराँ दाड़ बाद जिवता थाया?
16. कणी सेले ईसूजी हारू 3 फेराँ केयूके मूँ नी ओळकूँ?
17. बाइबल माय 13 किताब कणी लिक्यी?
18. ईसूजीई कणे सेले हवाडिया?
19. 'ईसू' सबद रू कई मतळब हे?
20. बाइबलरी सबहूँ आकरी किताब क्या हे?

जबाव

1. 66
2. 39
3. 27
4. आदम
5. धरमी
6. 40 दाड़ौं
7. ईसाक
8. 12 सोराँ
9. मन्ना नी बटेरियँ
10. दाऊद
11. बेतलेम
12. 12 सेलाँ
13. मरियम
14. हाड़ा तेतीस वर
15. दीतवार (इतवार)
16. पतरस
17. पौलूस
18. यहुदा इस्करोति
19. तारणहारो
20. प्रकासित वाक्य